



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i članova 64, 129 i 130 Poslovnika o radu Skupštine Brčko distrikta BiH – prečišćeni tekst (Službeni glasnik Brčko distrikta BiH, broj 54/18), razmatrajući Nacrt zakona o planiranju, projektovanju i razvoju Brčko distrikta Bosne i Hercegovine, Skupština Brčko distrikta BiH, na I. nastavku 42. redovne sjednice održanom 13. marta 2019. godine, donosi

## **O D L U K U**

### **O ODRŽAVANJU JAVNE I STRUČNE RASPRAVE O NACRTU ZAKONA O PLANIRANJU, PROJEKTOVANJU I RAZVOJU BRČKO DISTRIKTA BOSNE I HERCEGOVINE**

#### **Član 1**

Ovom odlukom uređuje se način održavanja javne i stručne rasprave o Nacrtu zakona o planiranju, projektovanju i razvoju Brčko distrikta Bosne i Hercegovine.

#### **Član 2**

Nosioci aktivnosti provođenja javne i stručne rasprave su Komisija za ekonomski razvoj i poljoprivredu Skupštine Brčko distrikta BiH i Odjeljenje za prostorno planiranje i imovinskopravne poslove Vlade Brčko distrikta BiH.

#### **Član 3**

Zadužuju se Stručna služba Skupštine Brčko distrikta BiH i Vlada Brčko distrikta BiH da u roku od tri (3) dana od dana usvajanja ove odluke, Nacrt zakona iz člana 1 ove odluke učine dostupnim na web-stranici Skupštine Brčko distrikta BiH [www.skupstinabd.ba](http://www.skupstinabd.ba) i web-stranici Vlade Brčko distrikta BiH [www.bdcentral.net](http://www.bdcentral.net).

#### **Član 4**

Javna i stručna rasprava održat će se:

- **u utorak, 19. marta 2019. godine**, u velikoj sali Skupštine Brčko distrikta BiH s početkom **17 sati**, i
- **u srijedu, 20. marta 2019. godine**, u velikoj sali Skupštine Brčko distrikta BiH s početkom **u 13 sati**.

#### **Član 5**

Finansijska sredstva za organizovanje i provođenje javne i stručne rasprave obezbijedit će Vlada Brčko distrikta BiH.

## **Član 6**

Nakon sprovedene javne i stručne rasprave Komisija za ekonomski razvoj i poljoprivredu Skupštine Brčko distrikta BiH sumirat će rezultate kompletne rasprave i podnijeti Skupštini izvještaj s prijedlozima i mišljenjima s javne rasprave.

## **Član 7**

Zapisnici s javne rasprave dostavit će se poslanicima Skupštine Brčko distrikta BiH, Komisiji za ekonomski razvoj i poljoprivredu Skupštine Brčko distrikta BiH, Zakonodavnoj komisiji Skupštine Brčko distrikta BiH, gradonačelniku Brčko distrikta BiH i Odjeljenju za prostorno planiranje i imovinskopravne poslove Vlade Brčko distrikta BiH, prije nego što se Nacrt zakona uputi u proceduru drugog čitanja.

## **Član 8**

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj:01-02-543/19

Brčko, 13. 3. 2019. godine

**PREDSJEDNIK  
SKUPŠTINE BRČKO DISTRIKTA BiH  
Esed Kadrić**

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Komisiji za ekonomski razvoj i poljoprivredu
- 5) Zakonodavnoj komisiji
- 6) Odjeljenju za prostorno planiranje i imovinskopravne poslove
- 7) Sektoru za opšte poslove i strateško planiranje
- 8) Arhivi